

⁵ Ma gyeŋ nyi ε wulaa ε gyeŋ nombia keŋa man mɔna mee gyae maa tɔose ŋon nyiaa, de Gbenjyoo Wurubuaɛ lese ɔ balan lee Igyipite tɛele man, mɔna wɔle wɔle na ɔ koe ban pou ba te lɛɛ e di ya nɛ.

⁶ Mɛɛ gyae maa tɔose ŋon bela nyiaa, deban keŋ Wurubuaɛ kpilala ban be kyaa adido nɛ te tale kyan be kegyiiri na be dasenɛ keŋ Wurubuaɛ ba mo fa wɔ nɛ man nideli ya te bɔɔ lee ke wɔle nɛ, Wurubuaɛ doo wɔ agbaraagbaraase man kekpaakekpaa, nyi baa doo ditɪŋtɛ keŋ te yɛɛ nsendee ya nɛ man. Botɔ te baa doo kelii wee keŋ Wurubuaɛ waa di be nombia nɛ.

⁷ Mena ke te Sodom na Gomora na donɔɔse ŋan pou be kilisi ŋa gyanee nɛ man balan naa diyem boalan man. Nawolo nyi ba moo ba wose do kafon na nombia nkarankaran ŋan ŋe tan keyako ya nɛ keyee man. Wurubuaɛ moo kei baa fee daa kyɔla na dɛɛ gyeŋ nyi, ban pou baa yɛɛ mena nombiakumɛɛ keŋa dinɔɔ nɛ, baa naa diyem nideli boalan keŋ ke bɛɛ yem ya nɛ man.

⁸ Mena te mena balan kumɛɛ ban bɔɔ nyin gbɛɛ wɛɛlee kaa gyoo ε man nɛ doo. Bɛɛ beo doosi doseɛ ŋan ne fa wɔ don nyi baa yɛɛ nombia nkarankaran mo do ba wose ayimɛɛ nɛ, te bɔɔ ne kɛɛ nyi Wurubuaɛ dana don be dɔɔ ya. Mena ke te bee kolosi nombiakumɛɛ gyakaa Wurubuaɛ kpilala ban be dana gyoorobiiri nɛ dɔɔ.

⁹ Mɔna Wurubuaɛ kpilale kegyia ŋon bɛɛ baake e nyi Maekɛle nɛ gba te yɛɛ mena ya. Nawolo nyi deban keŋ ŋon na ɔbonsam ne

wɔŋee Mosesi woo dɔɔ koran̄ nɛ, ɔ te tale gyo ɔ konɔɔ yako nombiikum daale tia ɔbɔnsam ya, mɔna ɔ yako e bo nyi “De Gben̄gyoo Wurubuarɛ waa wɔŋ n den̄jele.”

¹⁰ Mɔna mena balan̄ kɛwɔ dɔɔ nombia ŋan bɔɔ gyen̄ ŋe man ya na, bɛɛ yako bo nyi ŋa be dana tɔnɔɔ ya te bɛɛ yɛɛ be nombia mɔ bo ŋgba wonombia nɛ ken̄ nyansa be doo ke man ya. Kpene ken̄ de kɔŋ ba nyee man na ken̄ te bɛɛ yɛɛ. Mena nombia ken̄a ne wɔlɛɛ na wɔ.

¹¹ Mena balan̄ benan̄ baa laako. Nawolo nyi be ta mo balee ŋon bɛɛ baake e nyi Kani nɛ gbɛɛnɛŋ kumɛɛ nawɔɔ, te kɔba dɔɔ be ta mo ba wose do gbɛɛnɛŋ kumɛɛ man ŋgba mena ken̄ balee ŋon bɛɛ baake e nyi Baalam be yɛɛ nɛ. Be ta koro sen̄ tia Wurubuarɛ ŋgba mena ken̄ balee ŋon bɛɛ baake nyi Kora be yɛɛ nɛ. Mena dɔɔ ban̄ mɔ baa yekee ŋgba Kora ŋonan̄ nɛ.

¹² Akpaa ɛ gyan̄ee te ɛ yɛɛ nɔɔdokolon̄ ɛ ne di weenɛɛ te mena balan̄ benan̄ kpue ɛ man na, be yɛɛ ŋgba abɔɔ kumɛɛ ŋan kyakalɛɛ ɛ man te ŋɛɛ wɔlɛɛ ŋon nɛ. Bɛɛ gyuen̄ ban̄ baagen̄ wui bo te bɛɛ ŋmaa weenɛɛ ken̄ bɛɛ yɛɛ wɔ desɛŋ ya. Be yɛɛ ŋgba ŋɔma ŋan felin̄ dana ŋa ne kyen̄gben̄ te ŋɔɔ na mo ɔga kɔŋ ya nɛ. Be yɛɛ ŋgba daase ŋan ŋe bɛɛ see bia deban̄ ken̄ kaboena nyi ŋe dɛɛ se ya, te bɔɔ kulu ŋan na ŋa lila te ŋɔɔ yem kekpaakekpaa nɛ.

¹³ Be yɛɛ ŋgba epo lon̄ ken̄ felin̄ ne gyɔɔ gyu bese gyɔ kɔŋ nɛ. Ba desɛŋ nombia ŋan bɛɛ yɛɛ nɛ, yɛɛ ŋgba afɔfo na ayimɛɛ ŋan epo ne gyɔɔ lese ŋa see deken̄ken̄ dɔɔ nɛ. Be yɛɛ ŋgba kyolobii ken̄ kɔɔ na sem debodokolon̄ ya nɛ, te

ba dekyae yena ditiηtεε tuum keη Wurubuaεe be desina see wɔ kekpaakekpaa ne man.

¹⁴ Mena balan kumεε kewɔ wose man nombia te Wurubuaεe tεεwɔ Enɔke ηon ɔ gyakaa Adam dɔɔ kalola kegyakaare man nyetoorote ne dɔɔ yako see nyiaa, “E keε de Gbenjyoo Wurubuaεe ne kɔη. Nɔn na balan kakponη kakponηse ban ɔ be baake wɔ te ɔ be desina wɔ see fa ɔ wose, keη ηolo be tale kala wɔ ya ne ne kɔηala.

¹⁵ Waa kɔη kaa di balan pou nombia na waa bu balan kumεε ban fɔɔ lee be nombiakumεε ηan pou bɔɔ yeε, na nombiakumεε ηan bɔɔ kolosi tia ηon Wurubuaεe ne dɔɔ.”

¹⁶ Mena balan kumεε kewɔ yeε balan ban bεε toronη debanη kamase, te debanη kamase mɔ na bεε nyinη nombiikum lee balan wose man. Nombia nkaranηkaranη ηan ban gbagba ne gyae nyi baa yeε ne te bεε yeε. Bεε wola ba wose te bεε mo nɔwɔya gyonη nyinηan beo balan na baa mo nyinη ba wose.

¹⁷ Mɔna me gyoona kpaakpaa, ε tɔɔse kpene keη de Gbenjyoo Yesu Kristo kpilala ban be yako see kaalanη ne.

¹⁸ Be yakowɔ nyiaa, “Tεεle kei da benaa kɔ ɔto na, balan baale baa kɔη na be kaa mo Wurubuaεe nombia ηan kulu ηon. Mena balan benanη baa yeε ban gbagba kegyaebii bo, na Wurubuaεe kegyaebii te baa yeε ya.”

¹⁹ Mena balan kewɔ yena balan ban bεε wɔlεε balan nsana ne. Ban gbagba kegyaebii te bεε yeε te Wurubuaεe felinη be doo be man ya.

²⁰ Mɔna me gyoona kpaakpaa, εmεε dɔɔ ε mo Wurubuaεe nombia kpaakpaa ηan ε be lεε di

ne do doŋa kakyen, na ε ke tale sen kenken ε keleedi man. E fane lee Wurubuarε felin ŋon doŋ man.

²¹ Deban ken ε kyaa ε ne daa wee ken de Gbenjyoo Yesu Kristo waa bese koŋ, na ɔ kaa wii de waraŋase na waa mo daa gyuu de kaa kyaa ɔ gyan kekpaakekpaa ne, ε mo Wurubuarε balan kegyae ken kyaa na doŋa.

²² E wii balan ban boɔ gyen be dasenae Kristo man nideli ya ne waraŋase, na ε ka do wo kakyen.

²³ E won balan ban bee gyuu boalan man lese na ε ke lee ba nyee. Balan baale mo kyaa na, nombiakumεε ŋan ban gbagba ne gyae ne te beε yeε. Kaboena nyi yaa wii be waraŋase, mona ε keε ε wose doɔ nideli ken nyi boɔ mo be nombiakumεε ŋan kyanee ŋon ya.

²⁴ E yela dεε lese Wurubuarε yele nawolo nyi ŋon danaana doŋ ken waa tale kyɔ daa na doɔ yo gbεε ya. Non ne gyae la waa tale gberaa ayimεε kamase lee da wose man, na waa yela dεε tale mo gyon kaa sen ɔ siaman ɔ gyoorobiiri ken man.

²⁵ E yela dεε ta de Gbenjyoo Yesu Kristo doɔ lese Wurubuarε yele, nawolo nyi ŋon waagen koon yena Wurubuarε na da nyeεεεre. Non waagen koon yena gyoo te ŋon waagen koon danaana doŋ kpene kamase doɔ leenan gyanɔba gyanɔba ken, na gyen wee kei na weeya akan ŋan pou kekpaakekpaa. Amen.

**WURUBURE NOMBIA KPAAKPAA
NŊŊKEBAKESEE WŊLE**
The New Testament in the Delo language of Ghana:
**WURUBURE NOMBIA KPAAKPAA NŊŊKEBAKESEE
WŊLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 11 Jun 2026 from source
files dated 17 May 2025

80e9f745-c10c-5e3f-94bb-9d65aa1a1b11